

Trabaonan den refineria di Coastal ta progresando rapidamente

ORANJESTAD (AAN) -- Gerencia di Coastal Aruba ta sumamente satisfecho cu e forma con e trabaonan den e refineria ta avanzando. Dia 4 di Januari e compania Foster Wheeler, cu ta e contratista cu ta encarga cu rehabilita e refineria a cuminsa cu su trabaonan.

Durante e rueda di prensa cu Coastal su gerencia a ofrece ayera a wordo informa cu Foster Wheeler na e momento aki ta treciendo su hendenan na nivel di ingenieria y cu pa dia 15 di Januari nan lo tin mas o menos 60 homber na Aruba, mayoria ingeniero y tecniconan na nivel di gerencia y supervision. Nan lo determina kico mester wordo haci den e refineria, mientras tambe nan lo prepara e infraestructura, vivienda, suministro di material y en general tur loque ta necesario pa proximalmente ranca cu e proyecto di rehabilitacion di e refineria di Lago Oil & Transport Co. Ltd.

E itinerario di Foster Wheeler ta hopi comprimi. Durante e proximo seis siman lo nan ta

ocupa preparando vivienda pa e personal ex patria cu mester bini, convirtiendo e ex GOB (Main Office) den un clase di hotel pa e obreronan di afor. Tambe nan lo ta empleando tecniconan y obreronan arubiano pa cuminsa haci e trabaonan preliminar den e refineria haciendo e sitionan sigur pa e trabaonan mayor cuminsa mas o menos dia 1e di Maart.

Mirando e crecimiento di e forza laboral, durante Januari te cu Maart, Coastal ta spera cu pa mas o menos mitad di Maart un total di mas o menos 1.200 lo ta trahando.

E prioridnan lo ta, manera ya conoci, e Pipe Still No. 5, un Vacuum Unit y otro equipo mas. Segun itinerario, e prome crudo lo drenta e refineria na September 1990. Coastal a traha estrechamente cu Wickland Oil pa segura cu e facilidadnan di e parti ey lo ta disponible pa sostene e actividadnan di refinacion.

Den area di utilidad lo continua avanzando dilanti di e unidadnan di procesamento, teniendo e otro boiler y generatorman com-



pleta mecanicamente y "on line" den e periodo entre April y Augustus, pero ta ser spera cu lo tin mas actividad den e planta. Expectativa ta cu lo tin poco di huma preto.

Condicion di refineria mehor cu a ser spera

Pa loque ta trata e refineria mes, Coastal a sigui cu su intensifican di e facilidadnan y

manera anteriormente a wordo declara, e refineria no ta den tan mal estado mecanico, manera hopi hende a supone. Por lo menos e sistema electrico a wordo inspecciona y e resultado tabata cu 75 por ciento di e sis-

tema di iluminacion ta intacto y operacional. Loque tabata sorprendente tabata cu 75 por ciento di e bombiyanan tabata funciona ainda despues di cinco

aña di inactividad. E resultadonan te awor tabata masha positivo.

E cantidad di trabao cu mester wordo haci entre awor cu September ta enorme, mas o menos un miyon ora di trabao, pa por trece e prome azeta aden. Esey lo requiri hopi hende, 1.200 trahador for di dia 15 di Maart, trahando seis dia pa siman pa cumpli cu e itinerario.

Celebracion 25 aña di servicio



Insp. Alwin R. Nectar



O.I. Richard M. Martus



O.I. Pedro Stamper



H.I.P. Hugo J. Kock

ORANJESTAD(AAN)- Sub-inspectorman Richard M. Martus, y Pedro Stamper, Inspector en hefe Hugo J. Kock y Inspector Alwin R. Nectar recientemente a cumpli 25 aña di servicio.

H.I.P. Hugo J. Kock, y inspec-

tor Nectar actualmente ta trahando na D.O.O.V. y tur 4 hubilado a cuminsa traha dia 4 di Januari 1965 na Gobierno.

E hubiladonan tur tabata traha antes na Rio Canario na Curacao.

GOOD TIME. GREAT TASTE.™



McDONALD'S tin mester di mucha muher cariñoso, agradabel y balente cu ta interesa pa traha

FULL-TIME y PART-TIME

Tin oportunidad pa cahera y tambe pa traha den cushina

Interesadonan por acudi na
McDONALD'S
di dialuna pa diabierna
di 9:00 am - 3:30 pm